

# НОРМА МАСЛАХАТЧИ

## СОЛИҚЛАР БУХГАЛТЕРИЯ ҲУҚУҚ

2005 йил июлдан чиқа бошлаган

«СБХ» газетаси билан биргаликда тарқатилади.

### СЕМИНАР САЙЛОВ ҚОНУНЧИЛИГИГА БАҒИШЛАНДИ

Шу йил 29 июль куни Ўзбекистон Республикаси Олий Мажлиси Сенатининг Қонунчилик ва суд-ҳуқуқ масалалари қўмитаси ташаббуси билан Бухоро шаҳрида «Ўзбекистон Республикаси фуқароларининг сайловларда иштирок этиш ҳуқуқини амалга ошириш – демократик давлатнинг муҳим принципи» мавзусида семинар ўтказилди.

Семинарда Ўзбекистонда барпо этилган сайлов тизимининг норматив-ҳуқуқий базаси Ўзбекистон Республикасининг Конституцияси, «Фуқаролар ҳуқуқларининг кафолатлари тўғрисида»ги, «Ўзбекистон Республикаси Олий Мажлисига сайлов тўғрисида»ги, «Халқ депутатлари вилоят, туман ва шаҳар Кенгашларига сайлов тўғрисида»ги ва бошқа қонунлардан иборат бўлиб, бу қонунлар барча демократик талабларга жавоб бериши, сайлов ҳуқуқи соҳасидаги миллий ҳамда халқаро принциплар ва стандартларга мослиги қайд этилди.

Ўзбекистоннинг сайлов қонунчилиги тизими ҳар бир фуқарога унинг сайлов ҳуқуқлари амалга оширилишини кафолатлайди, шу билан бирга, унинг сайлов ҳуқуқлари суд томонидан ҳимоя қилинишини, сайлов комиссиялари, давлат органлари ва мансабдор шахсларнинг қонунга хилоф ҳаракатлари устидан судга шикоят қилиш имкониятини таъминлайди. Ўзбекистон Республикасининг Марказий сайлов комиссияси бошчилигидаги сайлов комиссияларининг яхлит ва мустақил тизими сайловларни тайёрлаш ва ўтказишни таъминламоқда. Хусусан, бўлажак сайловлар арафасида Ўзбекистон Республикаси Марказий сайлов комиссиясининг «Ўзбекистон Республикаси Олий Мажлисига, халқ депутатлари вилоят, туман ва шаҳар Кенгашларига сайловларни тайёрлаш ва ўтказиш концепцияси тўғрисида»ги қарори қабул қилинди.

Фикр алмашиш асносида Ўзбекистонда Президент Ислон Қаримов ташаббуси билан амалга оширилаётган, сайлов қонунчилигини такомиллаштиришни ҳам қамраб олган кенг қўламли ислохотлар мунтазам ва изчил бўлиб, ўзаро боғланганлиги таъкидланди.

Семинарда сўзга чиққанлар давлатимиз раҳбарининг ташаббуси билан қабул қилинган «Сайлов тўғрисидаги қонун ҳужжатлари такомиллаштирилиши муносабати билан Ўзбекистон Республикасининг айрим қонунларига ўзгартиш ва қўшимчалар киритиш ҳақида»ги Ўзбекистон Республикаси Қонуни партияларнинг мамлакатни демократик янгилаш ва модернизациялашга йўналтирилган ислохотларни амалга оширишдаги ролини, фуқаролик жамияти институтлари ҳамда беvosита аҳолининг сайлов жараёнида иштирок этиш имкониятларини анча кенгайтирилганлигини кўрсатиб ўтдилар. Семинарда мазкур Қонун сайлов тизими янада либераллашувини таъминлаганлиги қайд этилди, янги қоидаларга юқори баҳо берилди. Бу қоидаларга мувофиқ парламентнинг куйи палатасида сиёсий партияларнинг вакилларини кенгайтириш мақсадида депутатлик ўринлари 120 тадан 150 гага етказилди, шу билан бирга, 135 нафар депутат ҳудудий сайлов округлари бўйича кўппартиявийлик асосида, 15 нафар депутат эса Ўзбекистон экологик ҳаракатидан сайланади. Тадбирда «Ўзбекистон Республикаси Олий Мажлисига сайлов тўғрисида»ги Ўзбекистон Республикаси Қонунига сиёсий партиянинг ваколатли вакили институти киритилишини; Ўзбекистон Республикаси Олий Мажлиси Қонунчилик палатаси депутатлигига номзодларнинг ишончли вакиллари сони 5 нафардан 10 нафаргача кўпайтирилишини; сиёсий партиялар сайловда иштирок этиши учун сайловчиларнинг имзоларини тўплаш тўғрисидаги талаблардаги чекловлар 50 минг имзодан 40 минг имзога туширилишини назарда тутадиган ўзгартишларга алоҳида эътибор берилди.

Муҳокама жараёнида Қонунга киритилган мазкур қоидалар, шунингдек, номзодлар фақат сиёсий партиялардан кўрсатилишини белгилаб қўядиган нормалар, номзодларнинг сайловчилар билан учрашувларни сайлов комиссияларининг иштирокисиз, мустақил ўтказиш ҳуқуқи партияларнинг электорат билан ишлашни ташкил этиш даражасига қўйиладиган талаблар анча ошган бир шароитда сиёсий партияларнинг ижтимоий-сиёсий фаоллигини оширишнинг муҳим омили бўлиши таъкидланди.

Семинарда демократик сайловларнинг асослари, сайлов – демократиянинг инъикоси, сиёсий партияларнинг фаоллиги – демократик сайловларнинг муҳим омили ва бошқа мавзулардаги маърузалар тингланди ва муҳокама қилинди.

Семинар ишида сенаторлар, Ўзбекистон Республикаси Марказий сайлов комиссияси аъзолари, сиёсий партияларнинг вакиллари, Тошкент давлат юридик институти, Фуқаролик жамиятини ўрганиш институти олимлари ва экспертлари, жамоат бирлашмалари ҳамда «Маҳалла», «Нуроний» жамғармалари, «Камолот» ёшлар ижтимоий ҳаракати вакиллари иштирок этдилар.

Ў.А.

### ЯНГИ ҲУЖЖАТЛАРНИ ТАҚДИМ ЭТАМИЗ

#### ИНВЕТОР БАНК УЧУН ИМТИЁЗЛАР

Президентнинг 2009 йил 28 июлдаги «Тижорат банкларининг инвестиция лойиҳаларини молиялаштиришга йўналтирилдиган узоқ муддатли кредитлари улушини кўпайтиришни рағбатлантириш борасидаги қўшимча чора-тадбирлар тўғрисида» ПҚ-1166-сон қарори («Норма маслаҳатчи»да чоп этилади) билан инвестиция фаолиятини кенгайтириш соҳасида тижорат банкларининг энг муҳим вазифалари белгиланди. 2015 йилнинг 1 январигача шундай тартиб ўрнатилдики, унга кўра улар кредит портфели таркибида узоқ муддатли инвестициявий молиялашнинг улушига қараб табақалаштирилган ставкалар бўйича фойда солиғи тўлайдилар. Молия вазирлиги, Марказий банк ва Давлат солиқ қўмитасига бир ой муддатда Солиқ имтиёзларини қўллаш тартиби тўғрисидаги низомни ишлаб чиқиш ва тасдиқлаш вазифаси юкланди.

Марказий банк, Ўзбекистон банклари уюшмаси ва тижорат банкларининг банкларнинг узоқ муддатли ресурс базасини мустаҳкамлаш учун тижорат банклари томонидан 2009-2010 йилларда юридик шахслар ўртасида камида 110 млрд сўм ҳажмида жойлаштирилдиган узоқ муддатли облигациялар чиқариш борасидаги таклифи қабул қилинди.

Шунингдек, ҳужжатга мувофиқ куйидагилар:

– тижорат банкларининг депозитарига ва қимматли қарз қозғаларига 1 йилдан ортик муддатга жойлаштиришдан олинадиган фозили даромадлари бўйича юридик шахслар беш йил муддатга солиққа тортишдан;

– тижорат банклари аввал берилган кредитларни тўлаш ҳисобига ундириб олинадиган мол-мулкни сотишда қўшилган қиймат солиғи тўлашдан;

– лизинг хизматлари кўрсатувчи юридик шахслар 2009 йилнинг 1 сентябридан бошлаб уч йил муддатга фойда солиғи ва лизинг операцияларидан тушадиган даромадлар бўйича ягона солиқ тўловидан озод этилади.

Бундан ташқари, Президентнинг 2008 йил 19 ноябрдаги Ф-4010-сон фармойишининг 2-бандида назарда тутилган солиқ имтиёзлари тижорат банклари томонидан, жумладан, бошқа инвесторлар иштирокида янги ташкил этилган корхоналарга татбиқ этилади.

#### КОЭФИЦИЕНТЛАР ОШИРИЛДИ

Вазирлар Маҳкамасининг 2009 йил 21 июлдаги 206-сон қаро-

ри («Норма маслаҳатчи»да чоп этилади) билан бошлангич разряднинг энг кам ойлик иш ҳақи миқдорида белгиланган тариф ставкаси Меҳнатга ҳақ тўлашнинг ягона тариф сеткасига асос қилиб олинди ва янги тариф коэффициентлари тасдиқланди. Вазирлар Маҳкамасининг 2005 йил 21 декабрдаги 276-сон қарорига 1-иловага тегишли ўзгартишлар киритилди, бир қатор ҳужжатлар эса ўз кучини йўқотган деб топилди.

2009 йил 1 августдан кучга кирди.

#### ТУРИН ПОЛИТЕХНИКА УНИВЕРСИТЕТИ ТУЗИЛМАСИ ТАСДИҚЛАНДИ

Вазирлар Маҳкамасининг 2009 йил 23 июлдаги 211-сон қарори билан Тошкент шаҳридаги Турин политехника университетининг ташкилий тузилмаси тасдиқланди. Университет ректорига зарур бўлган ҳолларда унга муассислар билан келишган ҳолда тасдиқланган бошқарув ходимлари сони доирасида ўзгартишлар киритиш ҳуқуқи берилди.

#### ОИЛАВИЙ БИЗНЕС

Вазирлар Маҳкамасининг 2009 йил 29 июлдаги 216-сон қарори билан Оилавий тадбиркорликни ҳамда хунармандчилик фаолиятини амалга ошириш тартиби тўғрисидаги низом тасдиқланди («Норма маслаҳатчи»да чоп этилади).

Унда белгиланишича, оилавий тадбиркорлик ҳамда хунармандчилик фаолияти субъектларини давлат рўйхатидан ўтказиш, ҳисобга қўйиш ва рухсат берувчи ҳужжатларни расмийлаштириш қонун ҳужжатларида белгиланган тартибга мувофиқ амалга оширилади. Бунда уларга яқка тартибдаги тадбиркорни давлат рўйхатидан ўтказиш тўғрисида гувоҳнома берилади, унда яқка тартибдаги фаолиятнинг оилавий тадбиркорлик шаклида амалга оширилиши, шунингдек биргаликдаги тадбиркорлик фаолиятини амалга оширувчи оила аъзолари кўрсатилади. Хунармандчилик фаолияти субъектларига эса хунармандчилик фаолиятининг асосий йўналишлари, хунармандлар томонидан ишлаб чиқариладиган буюмлар ва товарлар (ишлар, хизматлар) турлари рўйхатига мувофиқ хунармандчилик фаолияти йўналишлари кўрсатиладиган яқка тартибдаги тадбиркорнинг давлат рўйхатидан ўтказилганлиги тўғрисида гувоҳнома берилади.

Низомда шунингдек оилавий тадбиркорликни ҳамда хунармандчилик фаолиятини амалга ошириш

хусусиятлари, 18 ёшгача бўлган шахсларнинг уларда қатнашиши хусусиятлари, оилавий тадбиркорлик субъектлари ва ёрдам берувчи оила аъзолари ўртасидаги муносабатлар, хунарманд ва шоғирдлар ўртасида муносабатлар ва бошқа масалалар тартибга солинган.

#### ЎҚИШНИ КЎЧИРИШ ҚОИДАЛАРИ

Олий ва ўрта махсус таълим вазирлиги, Вазирлар Маҳкамаси ҳузуридаги Давлат тест марказининг қарори (АВ томонидан 2009 йил 17 июлда 1984-сон билан рўйхатдан ўтказилган) билан Ўзбекистон Республикаси олий таълим муассасалари талабалари ўқишини кўчириш, қайта тиклаш ва ўқишдан четлаштириш тартиби ва қоидалари тўғрисидаги муваққат низом тасдиқланди. Республика таълим муассасаларига қабул қилиш бўйича Давлат комиссияси ҳузурида Талабалар ўқишини кўчириш ва қайта тиклаш бўйича идоралараро комиссия ташкил этилди.

Ҳужжат билан тегишли лицензияга эга бўлмаган нодавлат олий таълим муассасалари ва бошқа мамлакатлар олий таълим муассасаларининг филиалларидан давлат олий таълим муассасаларига талабалар ўқишини кўчириш ва қайта тиклаш тақиқланади. Биринчи курсга ўқишни кўчириш ва қайта тиклаш ҳам ман этилади (истисно тариқасида, талабага касаллик туфайли академик таътил берилиши мумкин). Ҳужжат билан бошқа масалалар ҳам тартибга солинган.

2009 йил 27 июлдан кучга кирди ва 2010 йил 1 январга қадар амал қилади.

#### АКЦИЯ ЭГАЛАРИ ТЎҒРИСИДА НИЗОМ ТЎЛДИРИЛДИ

Давлат мулк қўмитаси ҳузуридаги Қимматли қозғолар бозори фаолиятини мувофиқлаштириш ва назорат қилиш маркази бош директорининг буйруғи (АВ томонидан 2009 йил 20 июлда 1911-1-сон билан рўйхатдан ўтказилган) билан Акциялар эгалари реестри ва корпоратив облигациялар эгалари реестри тўғрисидаги низомга ўзгартириш ва қўшимчалар киритилди. Уларга мувофиқ, ҳисобга олиш ва ҳисоботнинг тўлиқлигини таъминлаш мақсадида акцияларни жойлаштириш тўғрисидаги маълумотлар реестрда янада батафсил акс эттирилади.

2009 йил 30 июлдан кучга кирди.

2-бетда

1-2-бетлар	2-бет	3-бет	4-бет
Қонун ҳужжатларига қисқа шарҳлар	Юридик маслаҳатлар	Бизнес хавфсизлиги масалалари	Ёзувчининг бухгалтерлик даври
\$1 = 1490,54 сўм	€ 1 = 2121,63	£1 = 2492,18 сўм	¥10 = 157,35 сўм

www.interpress.uz

**INTER-PRESS** АХБОРОТ АГЕНТЛИГИ

ОБУНА-2009  
ГАЗЕТАЛАР, ЖУРНАЛЛАР, КИТОВЛАР

Bella Terra • Baby Terra • Jannat Makon • 7 дний • Burda • Cosmopolitan • Forbes • Домовой • Glamour • OOPS! • Автомир • Аргументы и Факты • Verena • Вокруг света • Вокруг смеха • Все звезды • За рулем • Здоровье • Итоги • Караван Истории • Клаксон • Коммерсантъ • Крестьянка • Лиза • Огонек • Отдохни! • Совершенно секретно

119-0000  
155-0955

Тел./факс: (99897)

Тошкент ш., Навоий кўч., 13







# ЎЗБЕКИСТОН ҚОНУНЧИЛИГИДАГИ ЯНГИЛИКЛАР

## ● ЎЗБЕКИСТОН РЕСПУБЛИКАСИ ПРЕЗИДЕНТИНИНГ ҚАРОРЛАРИ:

– “Деворбоп материаллар ишлаб чиқаришни кўпайтиришни рағбатлантириш ва сифатини яхшилаш борасидаги кўшимча чора-тадбирлар тўғрисида”;  
– “Тижорат банкларининг инвестиция лойиҳаларини молиялаштиришга йўналтирилаётган узоқ муддатли кредитлари улушини кўпайтиришни рағбатлантириш борасидаги кўшимча чора-тадбирлар тўғрисида”.

## ● ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

– “Иқтисодиётнинг реал сектори корхоналарини кўлаб-қувватлашга доир кўшимча чора-тадбирлар тўғрисида”.

## ● ДОИМИЙ ФАОЛИЯТ КЎРСАТУВЧИ ҲАКАМЛИК СУДЛАРИ ТЎҒРИСИДА АХБОРОТ

### ЎЗБЕКИСТОН РЕСПУБЛИКАСИ ПРЕЗИДЕНТИНИНГ ҚАРОРИ

## ДЕВОРБОП МАТЕРИАЛЛАР ИШЛАБ ЧИҚАРИШНИ КЎПАЙТИРИШНИ РАҒБАТЛАНТИРИШ ВА СИФАТИНИ ЯХШИЛАШ БОРАСИДАГИ КЎШИМЧА ЧОРА-ТАДБИРЛАР ТЎҒРИСИДА\*

«Қишлоқ тараққиёти ва фаровонлиги йили» Давлат дастурини бажариш юзасидан ҳамда янги корхоналар барпо этиш ва ишлаб турганларини модернизация қилиш, ишлаб чиқариш сарф-харажатлари камайишини ҳамда тайёр маҳсулот нархининг арзонлашувини таъминлайдиган замонавий энергия тежайдиган технологияларни татбиқ қилиш ҳисобига сифатли деворбоп қурилиш материаллари ишлаб чиқариш ҳажмларини кўпайтириш ва шу асосда ички бозорни шундай материаллар билан тўлдириш, уй-жойлар, айниқса, қишлоқ жойларда иморат қураётган аҳолининг ортиб бораётган талаб-эҳтиёжини янада тўлиқроқ қондириш мақсадида:

1. Ўзбекистон Республикаси Иқтисодиёт вазирлиги, Молия вазирлиги, «Ўзурилишматериаллари» акциядорлик компанияси томонидан манфаатдор идоралар ва корхоналар билан биргаликда ишлаб чиқилган 2009-2011 йилларда пишган гишт ишлаб чиқарувчи янги замонавий қувватларни яратиш Дастури иловага мувофиқ маъқуллансин.

Ўзбекистон Республикаси Вазирлар Маҳкамаси икки ҳафта муддатда ушбу тасдиқланган Дастурни амалга ошириш бўйича комплекс ташкилий-техникавий тадбирларни тасдиқласин, бу тадбирлар:

замонавий энергия тежайдиган технологиялар билан жиҳозланган, шу жумладан мини-технологиялар қўлланиладиган деворбоп материаллар ишлаб чиқариш бўйича янги қувватлар белгиланган муддатларда фойдаланишга топширилишини;

2010 йилнинг 1 январига қадар муддатда пишган гишт ишлаб чиқарувчи амалдаги корхоналар модернизация қилиниб, ностандарт, тежамсиз печларнинг махсус энергия ва ресурсларни тежайдиган технологияларга алмаштирилишини;

деворбоп материалларнинг муқобил турларини қўлланади, шу жумладан йиғма, композицион ва кичик блокли конструкциялардан фойдаланиш асосида объектлар қурилишининг янги замонавий индустриал технологиялари кенг жорий этилишини таъминлайди.

2. Шундай тартиб ўрнатилсинки, унга мувофиқ:

2009 йилнинг 1 июлидан бошлаб 2012 йилнинг 1 январига қадар бўлган даврда махсус печлар (айланма, туннелсимон ва бошқалар)дан фойдаланган ҳолда замонавий энергия тежайдиган технологиялар асосида пишган гишт ишлаб чиқарувчи корхоналар барча турдаги солиқлар, давлат мақсадли жамғармаларига ва Мактаб таълими жамғармасига мажбурий ажратмалар тўлашдан озод қилинади (ягона ижтимоий тўлов бундан мустасно);

2012 йилнинг 1 январидан бошлаб фойдали қазилмаларни қазиб чиқарувчи ва ер бағридан фойдаланганлик учун солиққа тортилувчи микрофирмалар ва кичик корхоналарга пишган гишт ишлаб чиқарганида ер бағридан фойдаланганлик учун солиқ тўлаш бўйича мажбуриятларни сақлаб қолган ҳолда ягона солиқ тўловини тўлашга ўтиш ҳуқуқи берилади;

2010 йилнинг 1 январидан бошлаб ностандарт, тежамсиз печларни махсус энергия тежайдиган технологияларга алмаштирмаган, шунингдек, белгиланган солиштирма сарф нормаларидан ортиқча ҳажмда табиий газдан фойдаланаётган пишган гишт ишлаб чиқарувчи корхоналарга табиий газ амалдаги улгуржи нархда берилади;

Ўзбекистон Республикаси Давлат геология кўмитаси томонидан 2012 йилнинг 1 январига қадар муддатда энергия тежайдиган технологияларни татбиқ қилган пишган гишт ишлаб чиқарувчи корхоналарга соддалаштирилган тартиб асосида хомашё базасини яратиш ва кенгайтириш, гиштбоп хомашёни тажриба-саноат ва саноат кўламида қазиб олиш мақсадида геологик жиҳатдан ўрганиш учун ер бағри участкаларидан фойдаланиш ҳуқуқини олишга лицензия берилади, бунда тегишли ер бағри участкаларидан фойдаланишнинг аниқ шартлари белгилаб қўйилади.

3. Ўзбекистон Республикаси Молия вазирлиги Давлат солиқ кўмитаси ҳамда бошқа манфаатдор вазирликлар ва идоралар билан биргаликда 2009 йилнинг 1 июлигача бўлган муддатда пишган гишт ишлаб чиқарувчи корхоналар учун ушбу қарорда белгиланган солиқ имтиёзлари ва преференцияларини қўлланиш тартибини ишлаб чиқсин ва тасдиқласин, унга риоя этилиши устидан қаттиқ назоратни таъминласин.

4. «Ўзурилишматериаллари» акциядорлик компанияси: бир ой муддатда машинасозлик корхоналарида деворбоп материаллар ва уларнинг эҳтиёт қисмларини ишлаб чиқариш бўйича замонавий технологик линиялар ва ускуналар тайёрлашни маҳаллийлаштиришга оид таклифларни Ўзбекистон Республикаси Вазирлар Маҳкамасига киритсин;

«Ўздавнефтегазинспекция» ва «Ўзтрансгаз» акциядорлик компанияси билан биргаликда 2009 йилнинг 1 августига қадар муддатда пишган гишт ишлаб чиқаришга табиий газ сарфи нормаларини ҳисоб-китоб қилиш методикасини ишлаб чиқсин ва белгиланган тартибда тасдиқласин; икки ой муддатда Ўзбекистон Республикаси «Давархитектурилиш» кўмитаси ҳамда лойиҳа институтлари билан биргаликда энергия ва ресурсларни тежайдиган техноло-

\*Ушбу қарор “Халқ сўзи” газетасининг 2009 йил 1 июлдаги 130 (4793)-сонидан эълон қилинган.

гиялар қўлланиладиган турли қувватдаги ғишт заводларининг бир хилдаги намунавий лойиҳаларини ишлаб чиқсин ва белгиланган тартибда тасдиқласин.

5. Ёқилғи-энергетика ресурсларини тежаш бўйича комиссия (Ш.М.Мирзиёев) «Ўзқурилишматериаллари» АК, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари билан биргаликда ностандарт, тежамсиз печларни махсус энергия ва ресурсларни тежайдиган ишлаб чиқариш технологияларига алмаштирган ҳолда ғишт корхоналарини модернизация қилишга оид чора-тадбирлар амалга оширилиши мониторингини ташкил қилсин ва ҳар чорақда Вазирлар Маҳкамасига материалларни тақдим этиб турсин.

6. Тижорат банклариغا пишган ғишт ишлаб чиқарувчи корхоналарга ностандарт, тежамсиз печларни махсус энергия тежайдиган технологияларга алмаштирган ҳолда

модернизацияни амалга ошириш учун Ўзбекистон Республикаси Марказий банкнинг қайта молиялаштириш ставкасидан ошмайдиган ставка бўйича имтиёзли кредитлар ажратиш тавсия қилинсин.

7. Ўзбекистон Республикаси Адлия вазирлиги манфаатдор вазирликлар ва идоралар билан биргаликда бир ой муддатда қонун ҳужжатларига ушбу қарордан келиб чиқадиган ўзгартиш ва қўшимчалар тўғрисида таклифлар киритсин.

8. Мазкур қарорнинг ижросини назорат қилиш Ўзбекистон Республикаси Бош вазири Ш.М.Мирзиёев зиммасига юклансин.

**Ўзбекистон Республикаси Президенти  
И.КАРИМОВ.**

Тошкент шаҳри,  
2009 йил 19 июнь.

**ЎЗБЕКИСТОН РЕСПУБЛИКАСИ ПРЕЗИДЕНТИНИНГ  
ҚАРОПИ**

**ТИЖОРАТ БАНКЛАРИНИНГ ИНВЕСТИЦИЯ ЛОЙИҲАЛАРИНИ  
МОЛИЯЛАШТИРИШГА ЙЎНАЛТИРИЛАДИГАН УЗОҚ МУДДАТЛИ КРЕДИТЛАРИ  
УЛУШНИ КЎПАЙТИРИШНИ РАҒБАТЛАНТИРИШ БОРАСИДАГИ ҚЎШИМЧА  
ЧОРА-ТАДБИРЛАР ТЎҒРИСИДА\***

Тижорат банкларининг инвестиция фаолияти кенгайтирилишини янада рағбатлантириш, иқтисодий тармоқларини модернизация қилиш, техник ва технологик қайта жиҳозлашга йўналтирилган узоқ муддатли инвестиция лойиҳаларини молиялаш ҳажмларини ошириш учун уларнинг ресурс базасини мустаҳкамлаш мақсадида:

1. Маълумот учун қабул қилинсинки, Ҳукумат томонидан қабул қилинган қарорларга мувофиқ:

тижорат банкларининг тузилмалари қайта ташкил этилди, энг йирик банкларда инвестиция фаолиятини мувофиқлаштириш ва мониторинг қилиш бўйича департаментлар (бошқармалар) тузилди, инвестиция лойиҳаларини экспертиза қилиш, молиялаш ва амалга оширилишини мониторинг қилиш билан шуғулланувчи банкларнинг таркибий бўлинмалари сезиларли равишда ўзгартирилди ҳамда уларнинг функциялари кенгайтирилди;

барча тижорат банкларида инвестиция фаолияти масалаларига мутасаддилик қиладиган банклар бошқаруви раисларининг ўринбосарлари лавозими жорий этилди, уларга Ўзбекистон Республикаси Президентининг 2008 йил 2 октябрдаги Р-3075-сонли фармойишига мувофиқ ўтказилган аттестация натижалари бўйича қонунчилик базасини чуқур биладиган, инвестиция лойиҳаларини инвестициявий молиялаш, танлаб олиш ва экспертиза қилиш соҳасида зарур кўникмаларга эга бўлган раҳбарлар тайинланди;

банклар балансига қабул қилинган банкрот-корхоналарни молиявий соғломлаштириш, иқтисодий тармоқларини модернизация қилиш, техник ва технологик қайта жиҳозлашга йўналтирилган инвестиция лойиҳаларини молиялаш бўйича тижорат банкларининг фаолияти ривожланди. Банкларнинг умумий кредит портфели таркибида бир йилдан кўпроқ муддатга берилган кредитлар ҳажми 70 фоиздан ортиқроқни ташкил этмоқда.

2. Куйидагилар инвестиция фаолиятини кенгайтириш соҳасида тижорат банкларининг энг муҳим вазифалари деб ҳисоблансин:

янги ишлаб чиқаришларни ташкил этиш, корхоналарни модернизация қилиш, техник ва технологик қайта жиҳозлаш бўйича банкнинг кредит ҳамда инвестиция сиёсатини ва инвестиция лойиҳаларини узоқ муддатли кредит-

лаш механизмларини янада такомиллаштириш, бунинг асосида банкнинг узоқ муддатли ресурс базасини мустаҳкамлаш;

лойиҳа ҳужжатлари, уларнинг молиявий жиҳатдан ўзини қоплаши ва рентабеллигини чуқур таҳлил қилиш асосида инвестиция лойиҳаларини пухта танлаб олиш, комплекс баҳолаш ҳамда сифатли экспертиза қилишни таъминлаш;

инвестиция лойиҳаларини молиялашга ўз молия маблағларини сарфлаш ва улардан самарали фойдаланиш, лойиҳаларнинг амалга ошириб борилишини доимий мониторинг қилиш, қўйилган маблағларнинг ўз вақтида ва тўлиқ қайтарилишини таъминлаш;

таваккалчилик, гаровлар ва таъминлашнинг бошқа турлари бозор қийматини пухта баҳолашни ҳисобга олган ҳолда, берилган кредитларнинг ўз вақтида ҳамда тўлиқ қайтарилишини таъминлайдиган ишончли механизмлардан кенг фойдаланиш;

инвестиция фаолиятини амалга ошираётган банклар бўлинмаларини профессионал тайёрланган юқори малакали кадрлар билан мустаҳкамлаш, инвестиция лойиҳаларини танлаб олиш, экспертиза қилиш ва амалга ошириш масалалари бўйича банк мутахассисларини қайта тайёрлаш ҳамда малакасини ошириш сифатини тубдан яхшилаш.

3. 2015 йилнинг 1 январигача шундай тартиб ўрнатилсинки, унга кўра тижорат банклари кредит портфели таркибида 1-иловага\*\* мувофиқ узоқ муддатли инвестициявий молиялашнинг улушига қараб табақалаштирилган ставкалар бўйича фойда солиғи тўлайдилар.

Ўзбекистон Республикаси Молия вазирлиги, Марказий банки ва Давлат солиқ кўмитаси бир ой муддатда мазкур бандда назарда тутилган солиқ имтиёзларини қўллаш тартиби тўғрисидаги низомни ишлаб чиқсин ҳамда тасдиқласин.

4. Тижорат банкларида корхона ва ташкилотлар – йирик инвестиция лойиҳалари ташаббускорларига лойиҳасмета ҳужжатларини ишлаб чиқиш ва уларни инвестиция лойиҳасини амалга ошириш учун қабул қилишда умуман лойиҳани молиялаш учун бериладиган кредитнинг умумий суммасига киритган ҳолда, экспертизадан ўтказиш

\*Ушбу қарор «Халқ сўзи» газетасининг 2009 йил 29 июлдаги 148 (4811)-сонида эълон қилинган.  
\*\*1-илова берилмайди.

бўйича харажатларни молиялашга кредитлар беришни амалиётга татбиқ қилиш тавсия этилсин.

5. Инвестиция лойиҳаларини молиялаш учун Жамғариб бориладиган пенсия тизими маблағлари ҳисобидан кредитларни қайта молияловчи тижорат банклари бошқаруви раислари зиммасига лойиҳалар ва қарз олувчи корхоналарнинг молиявий аҳолидан қатъи назар маблағлардан мақсадли ва самарали фойдаланиш, уларни ажратилган фоизларни ҳисобга олган ҳолда тўлиқ ҳажмда Ўзбекистон Республикаси Халқ банкига ўз вақтида қайтариш юзасидан шахсий жавобгарлик юклансин.

Жамғариб бориладиган пенсия тизими маблағлари ҳисобидан берилган кредитлардан тижорат банклари мақсадга номувофиқ фойдаланган ҳолатлар аниқланган тақдирда мақсадга номувофиқ фойдаланилганлиги аниқланган барча пул миқдори жарима санкциялари қўлланган ҳолда муддатидан аввал тўланади.

6. Ўзбекистон Республикаси Марказий банки, Ўзбекистон банклари уюшмаси ва тижорат банкларининг, банкларнинг узоқ муддатли ресурс базасини мустаҳкамлаш учун тижорат банклари томонидан 2-иловага\* мувофиқ 2009-2010 йилларда юридик шахслар ўртасида камида 110 млрд сўм ҳажмда жойлаштириладиган узоқ муддатли облигациялар чиқариш борасидаги таклифи қабул қилинсин.

7. Ўзбекистон Республикаси Марказий банки тижорат банкларининг Марказий банкдаги юридик шахсларнинг жалб этиладиган депозитлари бўйича мажбурий захиралари нормаларининг табақалаштирилган ставкаларини куйидаги жалб этиш муддатларидан келиб чиққан ҳолда амалиётга татбиқ этсин:

муддати 1 йилдан 3 йилгача бўлган депозитлар бўйича – умумжорий этилган нормаларнинг 80% миқдориди;  
муддати 3 йилдан ортиқ депозитлар бўйича – умумжорий этилган нормаларнинг 70% миқдориди.

8. Куйидагилар:

тижорат банкларининг депозитларига ва қимматли қарз қоғозларига 1 йилдан ортиқ муддатга жойлаштиришдан олинмаган фоизли даромадлари бўйича юридик шахслар беш йил муддатга солиққа тортишдан;

тижорат банклари аввал берилган кредитларни тўлаш ҳисобига ундириб олинмаган мулкни сотишда қўшилган қиймат солиғи тўлашдан;

лизинг хизматлари кўрсатувчи юридик шахслар 2009 йилнинг 1 сентябридан бошлаб уч йил муддатга фойда солиғи ва лизинг операцияларидан тушадиган даромад-

лар бўйича ягона солиқ тўловидан озод этилсин.

9. Тижорат банклари томонидан, жумладан, ишлаб чиқаришни ташкил этиш ва йўлга қўйиш ҳамда маҳсулотларни сотишда муваффақиятли иш тажрибасига эга бошқа инвесторлар иштирокида янги ташкил этилган корхоналарга Ўзбекистон Республикаси Президентининг 2008 йил 19 ноябрдаги Р-4010-сон фармойишининг 2-бандида назарда тутилган солиқ имтиёзлари татбиқ этилсин.

10. Ўзбекистон Республикаси Президентининг 2008 йил 2 октябрдаги Р-3075-сонли фармойиши билан тузилган Тижорат банклари раҳбарлари ва инвестиция фаолияти масалалари бўйича масъул бўлим бошлиқларини аттестациядан ўтказиш комиссияси (Р.С.Азимов) мунтазам равишда, ҳар икки йилда бир марта тижорат банклари бошқаруви раислари ўринбосарларини ва банкларнинг инвестиция фаолиятини амалга оширувчи таркибий тузилмалари раҳбарларини аттестациядан ўтказишни таъминласин (хорижий капитал иштирокидаги банклар ва хусусий банклар бундан мустасно).

Тижорат банклари раҳбарлари:

икки ой муддатда инвестиция лойиҳаларини экспертизадан ўтказувчи, молияловчи ва амалга оширилишини мониторинг қилувчи банкларнинг таркибий бўлинмаларини самарали иш олиб бориш учун зарур компьютер техникаси ва ускуналар билан тўлиқ таъминлаш чораларини кўрсин;

инвестиция фаолияти масалалари учун жавобгар банк бўлинмаларини юқори малакали мутахассислар билан мустаҳкамлаш ишларини доимий равишда олиб борсин;  
инвестиция фаолияти масалалари билан шуғулланувчи банк ходимларини қайта тайёрлаш ва малакасини ошириш бўйича минтақаларда доимий фаолият кўрсатувчи курслар ва амалий семинарлар ташкил этсин.

11. Ўзбекистон Республикаси Марказий банки Адлия вазирлиги ва бошқа манфаатдор вазирликлар ҳамда идоралар билан биргаликда бир ой муддатда қонун ҳужжатларига ушбу қарордан келиб чиқадиган ўзгартиш ва қўшимчалар тўғрисида Вазирлар Маҳкамасига таклифлар киритсин.

12. Мазкур қарорнинг ижросини назорат қилиш Ўзбекистон Республикаси Бош вазирининг биринчи ўринбосари Р.С.Азимов ва Ўзбекистон Республикаси Марказий банки раиси Ф.М.Муллажонов зиммасига юклансин.

**Ўзбекистон Республикаси Президенти  
И.КАРИМОВ.**

Тошкент шаҳри,  
2009 йил 28 июль.

\*2-илова берилмайди.

#### ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОИ

### ИҚТИСОДИЁТНИНГ РЕАЛ СЕКТОРИ КОРХОНАЛАРИНИ ҚўЛЛАБ-ҚУВВАТЛАШГА ДОИР ҚўШИМЧА ЧОРА-ТАДБИРЛАР Тўғрисида

(«Ўзбекистон Республикаси қонун ҳужжатлари тўплами», 2009 йил, 28-сон, 328-модда)

Ўзбекистон Республикаси Президентининг «Иқтисодиётнинг реал сектори корхоналарини қўллаб-қувватлаш, уларнинг барқарор ишлашини таъминлаш ва экспорт салоҳиятини ошириш чора-тадбирлари дастури тўғрисида» 2008 йил 28 ноябрдаги ПФ-4058-сон Фармонида назарда тутилган чора-тадбирларни амалга оширишни таъминлаш мақсадида Вазирлар Маҳкамаси қарор қилади:

1. Белгилансинки, 2009-2010 йилларда хўжалик юритувчи субъектлар томонидан Вазирлар Маҳкамасининг 1997 йил 31 мартдаги 165-сон қарори билан тасдиқланган Нархлар (тарифлар)ни шакллантириш ва уларнинг қўлланишини назорат қилиш тартиби ҳамда Вазирлар Маҳкамасининг 2000 йил 21 сентябрдаги 364-сон қарори билан тасдиқланган Табиий монополия субъектларининг товарлари (ишлари, хизматлари)га

нархлар (тарифлар) белгилаш тартиби тўғрисидаги низом доирасида технологик жараёнларни ва хом ашё, материаллар ва энергия ресурслари сарфи нормаларини мақбуллаштириш бўйича чора-тадбирларни амалга ошириш ҳисобига таннархни пасайтириш, қувватлардан фойдаланиш даражасини ва меҳнат унумдорлигини ошириш, фойдаланиш харажатлари ва қўшимча харажатларни қисқартириш, харид қилинадиган хом ашё, материаллар ва бутловчи буюмлар нархини камайтириш, ходимлар сонини мақбуллаштириш натижасида қўшимча даромад (фойда) олиниши қонун бузилишлари деб ҳисобланмайди.

2. Белгилаб қўйилсинки, хўжалик юритувчи субъектлар томонидан мазкур қарорнинг 1-бандига мувофиқ олинган қўшимча даромад (фойда):

Ўзбекистон Республикаси Президентининг ва Ўзбе-

кистон Республикаси Ҳукуматининг инкирозга қарши тадбирларга доир қарорларида назарда тутилган ишлаб чиқаришни модернизация қилиш, техник ва технологик жиҳатдан қайта жиҳозлаш бўйича энг муҳим лойиҳаларни амалга оширишга;

ишлаб чиқарилаётган маҳсулотнинг таннархини ва пировард нархини янада пасайтиришга ҳамда ходимларни белгиланган тартибда мукофотлашга йўналтирилади.

3. Мазкур қарорнинг бажарилишини назорат қилиш

Ўзбекистон Республикаси Бош вазирининг биринчи ўринбосари Р.С.Азимов зиммасига юклансин.

**Ўзбекистон Республикасининг Бош вазири Ш.МИРЗИЁЕВ.**


Тошкент ш.,  
2009 йил 9 июль  
188-сон.

**ДОИМИЙ ФАОЛИЯТ КЎРСАТУВЧИ ҲАКАМЛИК СУДЛАРИ ТЎҒРИСИДА АХБОРОТ\***

Т/р	Доимий фаолият кўрсатувчи ҳакамлик суди ташкил қилган юридик шахснинг номи ва жойлашган жойи	Доимий фаолият кўрсатувчи ҳакамлик суди ҳисобини рўйхатдан ўтказиш тартиб рақами ва санаси	Доимий фаолият кўрсатувчи ҳакамлик суди судьялари (Ф.И.О.)
1.	Авдижон шаҳри «Бахт-Ишонч-Ҳамжон» МЧЖ ҳузуридаги Ҳакамлик суди (Авдижон шаҳри, А. Хайдаров кўчаси, 43а-уй)	№ 18 03.05.2009 й.	1. Долимов Илхомжон Тураевич 2. Бакиров Мирзаулдубек Раҳматуллаевич 3. Ашуров Ёсинахун 4. Байбабаев Адилжон 5. Курбонов Ғолибжон Холматович 6. Мансуров Абдуҷаббор Абдувалиевич 7. Тешабоев Салим Ҳакимович 8. Хусанов Асқаржон Аҳмадович
2.	«Нафис Маржон Сервис» МЧЖ (Наманган шаҳри, 5-кичик ноҳия, 35-уй, 29-хона)	№ 1 17.04.2009 й	1. Аҳмедов Мухтор Мақсудович 2. Хасанов Акрамжон Абдуҷалилович 3. Абдуллаев Нуриддин Машраббасевич 4. Ибрагимов Рустамжон Ришқивич 5. Саттаров Рустамжон Абдуллаевич 6. Мирзамаҳмудов Жаҳонгир Нуриддинович
3.	Ўзбекистон Савдо-саноат палатаси Наманган вилоят ҳудудий бошқармаси (Наманган шаҳри, Ибрат кўчаси, 33-уй)	№ 2 28.05.2009 й.	1. Муҳитдинов Муслимхожа Нуманович 2. Асранбаев Муминжон Кучкарович 3. Жалилов Мираббос Ваққасович
4.	«Отодлик» М.Ч.Ж. хусусий корхонаси (Наманган шаҳри, Лангар кўчаси, 11а-уй)	№ 3 23.06.2009 й.	1. Ибрагимов Алишер Шарипович 2. Ибрагимов Ваҳобжон 3. Санажаров Искандар 4. Нуриллаев Абдурахмон 5. Долимов Хабибилла Абдуғапарович
5.	Ўзбекистон Республикаси Адвокатлар палатасининг Самарқанд вилоят ҳудудий бошқармаси ҳузуридаги Ҳакамлик суди (Самарқанд шаҳри, Ўзбекистон кўчаси, 45-уй)	№ 2 24.06.2009 й.	1. Амонов Нодиржон Базарович 2. Аблокулов Салоҳидин 3. Аблокулова Гузал Ҳамрокуловна 4. Бобоев Садриддин 5. Бутунов Шахриддин Юсупович 6. Ганиев Абдирахмон Муратович 7. Дусмаматов Баходир 8. Исмоилов Абдуҳаким Исаевич 9. Ибрагимов Юнус 10. Каландаров Жамшид Маҳмудович 11. Куванов Оманкельди Куванович 12. Машарипов Улғубек Хожиевич 13. Маҳмудов Муродқобил Авазович 14. Нормуродова Шохсанам Мустафаевна 15. Раупов Учқун Уткирович 16. Салимов Илхом Улашевич 17. Саидов Амон Курбонкулович 18. Сатторов Хусниддин Султонович 19. Собирова Дилнора Жамшидовна 20. Султонов Эргаш 21. Тураев Шахриёр Шодиёрович 22. Тугалов Баҳром Орипович 23. Усаров Карим Хасанович 24. Убайдуллаев Солихон 25. Урнашов Саймиддин 26. Эшонкулов Азамат 27. Хушвақтов Бойхуроз 28. Холиков Шерзод Шуқурулаевич 29. Хидиров Тулкин Узоқович 30. Хидиров Фархот Ниятович 31. Хужанов Жанон 32. Шеркулов Мақсуд
6.	Ўзбекистон Савдо-саноат палатаси Сурхондарё вилоят ҳудудий бошқармаси (Термиз шаҳри, Ф. Хўжаев кўчаси, 1-уй)	№ 1 08.04.2009 й	1. Курбонов Холияр Ярмавович 2. Чариев Тухта 3. Джавлиев Урал Баймуратович
7.	«Зиндаги» хусусий корхонаси (Олмалик шаҳри, А. Темур кўчаси, 39-уй)	№ 2 02.07.2009 й.	1. Фаттахутдинов Рамиль Тарихович 2. Сангинов Аймаҳаммед Ашурович 3. Шин Николай Борисович 4. Казаков Григорий Александрович

\*«Ўзбекистон Республикаси қонун ҳужжатлари тўплами», 2009 йил, 29-сон.





# TOP

ЭНГ ЯХШИСИНИ ТОП!

«Норма маслаҳатчи» N 32 (213) 2009 йил 10 август



«SANAY» ҚК Хитой ва Италияда ишлаб чиқарилган юқори сифатли

## КАФЕЛЬ


сотади, ўлчами 60x60, 45x45, 40x40

Буюртма бўйича Хитойдан ҳар қандай ускунани етказиб берамиз

Товар сертификатланган  
Хизматлар лицензияланган

Тошкентдаги  
омбордан сотилади


Тўлов – исталган  
шаклда



Тошкент ш., Хамза тумани,  
Султонали Машҳадий кўч., 210  
(мўлжал – шампан винолари заводи).  
Тел: 269-44-66, факс 269-44-33,  
Уяли +99893 375-56-58.  
E-mail: sanay\_uz@yahoo.com

## Panasonic

ideas for life



ХАВО ОҚИМИНИ  
БОШҚАРИШ

**Идеал танловингиз!**

**Акция бошланди!**

**Ўрнатиш bepул!**



OSIYO KOMPUTEK, LLC

6B Yangi-Zamon st. Tashkent, 100105, Uzbekistan  
Phone: (998 71) 283 35 65/66/67/68 (ext-201), mob.(998 97) 157 23 86  
Fax: (99871) 283 3569

H99

Товар  
сертификатланган

## ПЎЛАТ ҚУВУРЛАР

енгил металл конструкциялар ва мебель ишлаб чиқариш учун  
Тошкент шаҳридаги омбордан!

Квадрат кесишмаси – 12,7\*12,7 дан 50\*50 мм гача

Тўғри бурчакли кесишмаси – 20\*10 дан 70\*11 мм гача

Овал кесишмаси – 30\*15 ва 20\*40 мм

Думалоқ кесишмаси – D 10-63,5 мм


Деворнинг эҳтимолий қалинлиги: 0,8 дан 2,0 мм гача  
Пўлат русуми 08КП DIN 2394, 2395

Арқали кесишмаси – 20\*40 мм

N30-5

Тел.: + (998 71) 2737214, 2732158. Факс 273-6965. E-mail: info@network.uz

РАСМИЙ ДИЛЕР  
ГРУППА



УРАЛАЗ автомобиль  
заводи ОАЖ

Сотиш, сервис, лизинг, кафолат

Тел.: + (998 71) 2737214, 2732158. Факс 273-6965. E-mail: info@network.uz



Хизматлар лицензияланган  
Буюртмага

Металлда жамланган қувват!



ЭНГ ЯХШИСИНИ ТОП!

# TOP

237-51-33  
237-47-20  
237-47-05

Бўлғуси такдимот  
маросимлари,  
кўргазмалар,  
матбуот анжуманлари ҳақидаги  
матбуот-релизларни,  
хабарнома-таклифномаларни  
«Норма маслаҳатчи» тахририя-  
тининг реклама хизматига  
237-51-33 телефон-факси  
орқали  
жўнатишингиз мумкин.

## «БЕНЗОД ЮМ» ХК

2000 дан  
ортиқ номдаги  
товарлар

Улғуржи ва  
чакана савдо

Канцелярия  
ва хўжалик  
товарлари



Тел. 233-54-11, факс 236-12-43. E-mail: behzod\_yum@mail.ru  
Манзил: Хамза тумани, Тўйтепа кўчаси, 1-уй (мўлжал – вино заводи)

## МЕБЕЛЬ ТАЙЁРЛАШ

мактаб  
офис  
тиббийот  
металл каркасида  
ошхона буюртмага



тел./факс: (998 71) 244 86 31, 290 95 57. www.art-mebel.uz

## ПУЛ ЎТКАЗУВЧИ ТАШКИЛОТЛАРГА ЧЕГИРМАЛАР! АВИАКАССА

Тўлов ўз ме курси бўйича.

Шунингдек оилалар, пенсионерлар,  
талабалар учун! Илк бор учувчилар учун!  
40 ёшдан ошганлар, ҳарбийлар ва собиқ  
ҳарбий хизматчилар учун ЧЕГИРМАЛАР!!!

БИЗДА ЧИПТАЛАР БОШҚАЛАРНИКИДАН АРЗОН! ИШОНМАИСИЗМИ?  
Кўнғирок қилиб, бунга ишонч ҳосил қилинг!

Т. 237-47-70, 267-68-68, 267-80-50.

ТОШКЕНТ, МУСТАҚИЛЛИК, 86А (собиқ ПУШКИН)  
МЎЛЖАЛ - «Х. ОЛИМЖОН» М. «KORZINKA.UZ» СУПЕРМАРКЕТИ

Дунёнинг барча шаҳарларига «Ўзбекистон Ҳаво Йўллари»,  
«Air Baltic» рейсларига ЧЕГИРМАЛАР

ҚУЙДАГИ ШАҲАРЛАРГА УЧУВЧИЛАР УЧУН АКЦИЯ: У ЕРГА / У ЕРГА ВА ОРҚАГА (EURда)

* МОСКВА - 207/375	* ЕКАТЕРИНБУРГ - 228/437	* КАЛИНИНГРАД - 199/360
* САМАРА - 201/345	* СИМФЕРОПОЛЬ - 220/410	* ВЛАДИВОСТОК - 410/650
* ҚОЗОН - 201/383	* МИНВОДИ - 182/345	* С.-ПЕТЕРБУРГ - 201/388
* КРАСНОДАР - 201/383	* АЛМАТИ - 131/239	* ЕРЕВАН - 225/380
* БОКУ - 206/377	* БИШКЕК - 129/234	* ИРКУТСК - 252/420
* РОСТОВ-ДОН - 199/380	* КРАСНОЯРСК - 196/374	* МИНСК - 196/386
	* НОВОСИБИРСК - 207/375	

У ЕРГА ВА ОРҚАГА (EURда)	* ШАРЖА - 481. ВИЗА	* УРУМЧИ - 270. ВИЗА	* ИСТАНБУЛ - 448
	* КУАЛА-ЛУМПУР - 490	* ФРАНКФУРТ - 604	* ЛОНДОН - 568
ЛИЦЕНЗИЯЛАНГАН			* ПЕКИН - 518

«GREEN CARD», ТАЛАБАЛИК ВА МЕҲМОН ВИЗАСИ БЎЙИЧА,  
НЬЮ-ЙОРККА ДЯЖГА ЧИҚУВЧИЛАР УЧУН (EURда)  
МАХСУС ЧЕГИРМАЛАР (EURда)

У ЕРГА ВА ОРҚАГА - 1 ой - 960, 3 ой - 1027, 4 ой - 1088, пенсионерларга - 908,  
оилавий - 894, оилавий (2-12 ёшли болали) - 620.  
У ЕРГА катталарга - 653, 2-12 ёшли бола - 349, ёшларга - 615


«TURKISH AIRLINES» РЕЙСЛАРИГА ЧЕГИРМАЛАР  
талабалар, ўқитувчилар, ногиронлар, ёшларга (ҳужжатлар мавжуд бўлса).

ТОШКЕНТ - ПРАГА - ТОШКЕНТ 815 \$  
СУПЕРАҚЦИЯ!  
ТОШКЕНТ - ИСТАНБУЛ - АНТАЛИЯ!

ДИҚҚАТ! ЯНГИЛИК!  
Сизда МДХ ва олис хориж мамлакатларидан  
Тошкентга ўқиб келувчилар учун Тошкентда  
чипта ҳақини тўлаш имконияти бор

## УЙДАН ЧИҚМАЙ ТУРИБ РЕСТОРАН ТАНЛАНГ

www.restoran.uz



товар сертификатланган

## КУВУРЛАР

полиэтилен H1366-1  
d 16 мм дан 800 мм гача, қалинлиги буюртмага кўра  
монтаж билан

КЛЕИ

иссиққа чидамли  
ва иссиққона

## ПЛЁНКАСИ

эни 20 см дан 200 см гача, қалинлиги буюртмага кўра

ЕЛИМ ёрлиқбоп Шартномавий нархлар

Факс 228-14-56, тел.: 103-14-38, 130-19-76

## ЭЛЕКТРОДЛАР

ЮКОРИ СИФАТЛИ

“VISTEC” (Украина),  
“ANYKSCIU VARIS” (Литва),  
“БОЛЬШОЙ МОСТ” (Китай)

H2315

Т.: 235-79-94, 235-25-36, 510-36-10, 104-03-70

“Интеграл стар” ХК таклиф қилади

## ЕҒОЧ-ТАХТА МАТЕРИАЛЛАРИ

ассортиментда

Хизматлар лицензияланган  
Товарлар сертификатланган

Тўлов - исталган шаклда

Тел. 104-84-10, 303-16-46 факс 274-66-77

### • РҲЙХАТЛАР

Тошкент шаҳар хўжалик судининг 2009 йил 27 февралдаги 10-0920/478(19)-сонли ҳал қилув қарорига асосан Юнусобод туманидаги “ARKOM QURILISH” МЧЖ банкрот деб эълон қилинган. Тошкент шаҳар хўжалик судининг 2009 йил 22 июлдаги тугатиш бошқарувчиси вазифасини бажаришдан озод этиш ҳақидаги ажримига асосан тугатиш бошқарувчиси этиб Юнусобод туман ДСИ ходими М.Қурбонов тайинланган. Кредиторларнинг навбатдаги йиғилиши 2009 йил 19 август соат 15.00 да Тошкент ш., А.Темур кўчаси, 95-уй, Юнусобод туман ДСИ биносида ўтказилади. Корхонага нисбатан талаб ва таклифлар Тошкент ш., А.Темур кўчаси, 95-уй, Юнусобод туман ДСИ биноси, 2-қават, 17-хонада қабул қилинади. Тел. 235-74-88.

Тошкент шаҳар хўжалик судининг 2009 йил 3 июлдаги ажримларига асосан Сергели туманидаги банкротликнинг кузатув таомили эълон қилинган корхоналар

**РҲЙХАТИ**

Корхона номи	Ажрим рақами
“LOCHN SAVDO BIZNES” ШК	10-0915/10770
“BREZE GRAND STROY” МЧЖ	10-0915/10769
“SEVARA BARAKA” МЧЖ	10-0915/10768
“EVA INTERNATIONAL SERVIS” МЧЖ	10-0915/10767

Мазкур корхоналар бўйича муваққат бошқарувчилар этиб Сергели туман ДСИ ходимлари Э.Нарманов, М.Ахмурзаева, М.Эшназаров тайинланган. Кредиторлар эълон чиққан кундан бошлаб 1 ой давомида куйидаги манзилга муурожаат этишлари мумкин: Тошкент ш., Сергели тумани, 3-мавзе, Янги Сергели кўчаси, 6а-уй, Сергели туман ДСИ биноси, 2-хона. Тел.: 257-74-51, 257-85-93.

Тошкент шаҳар хўжалик судининг 2009 йил 17 июлдаги 10-0913/8885-сонли ва 10-0913/8886-сонли ҳал қилув қарорларига асосан Сергели туманидаги “AZIYA IMKON GRANT” МЧЖ ва “FAMESTROYTEX” МЧЖ банкрот деб эълон қилинди. Тугатиш бошқарувчилари этиб Сергели туман ДСИ ходимлари М.Ахмурзаева ва М.Эшназаров тайинланди. Корхоналарга тегишли таъсис ҳужжатлари, думалоқ муҳр ва бурчак тамғалари бекор қилинади. Кредиторлар эълон чиққан кундан бошлаб 2 ой давомида куйидаги манзилга муурожаат этишлари мумкин: Тошкент ш., Сергели тумани, 3-мавзе, Янги Сергели кўчаси, 6а-уй, Сергели туман ДСИ биноси, 2-хона. Тел.: 257-85-93, 257-74-51.

Тошкент вилояти хўжалик судининг 2009 йил 20 июлдаги 11-0906F10684-сонли ажримига асосан Бўка туманидаги “Джасим Гавҳар” ФХ (СТИР 206731434) ва 11-0906F10683-сонли ажримига асосан “Йулисой” ФХ (СТИР 204864816) нисбатан банкротлик иши очилган. Кредиторлар йиғилиши 2009 йил 6 август соат 10.00 да Бўка туман ДСИ биносида ўтказилди. Муурожаат учун манзил: Тошкент вилояти, Бўка шаҳри, Ўзбекистон кўчаси, 1-уй. Тел.: 150-59-27, 150-64-67.

Товар сертификатланган

## ANDINOL

ишлаб чиқарувчисидан мойлаш материаллари

- Роликлар ёни ва ҳалқалар бортининг ишқаланувчи юзалари едирилишининг олдини олади
- Механизмлар тебраниши ва сирпанишида ишқаланиш узелларида қўлланади
- Занглашдан ишончли ҳимоя

Ўзбекистон, Тошкент ш., Қибрай кўч., 92  
тел./факс: (+99871) 150-11-77, 268-88-61. E-mail:tashkent@ak.uz

МДХдаги ЭНГ ЙИРИК ИШЛАБ ЧИҚАРУВЧИЛАРДАН БИРИ

## АНДИЖОН КАБЕЛЬ ЗАВОДИ

ТОВАР СЕРТИФИКАТЛАНГАН

## РЕАЛ НАРХЛАР БҲЙИЧА СИФАТ ВА КАФОЛАТ

Тошкент ш., М.Жалил кўч., 92. Тел.: (99871) 150-11-77 (кўп тармоқли), 150-55-66 e-mail: tashkent@ak.uz, www.cable.uz

## “ЕВРОМЕТАЛ-ОСИЁ” КК

ҲАЛҚА квадрат, поковка	конструкциян, иссиққа чидамли, зангламас
ТУНУКА	конструкциян шестигранник
	иссиқ жўваланган, тарам-тарам, зангламас
	ст. У8Г – 0,9x326 мм рулонли тасма
	Техник туз 1-2 навли (Учкудук)
т/ф: 281-35-61, 255-76-74, 254-94-95, e-mail: v Klim_70@mail.ru	

Бўлғуси такдимот маросимлари,  
кўргазмалар, матбуот анжуманлари ҳақидаги  
матбуот-релизларни,  
хабарнома-таклифномаларни  
«Норма маслаҳатчи» тахририятининг реклама  
хизматига 237-51-33 телефон-факси орқали  
жўнатишингиз мумкин.

Иқтисодий-ҳуқуқий газетаси

## НОРМА МАСЛАҲАТЧИ

СОЛИҚЛАР  
БУХГАЛТЕРИЯ  
ҲУҚУҚ

ТАЪСИСЧИ “Norma Hamkor” МЧЖ

Газета Ўзбекистон Матбуот ва ахборот агентлигида рўйхатга олинди.  
Рўйхат рақами 0074.

БОШ МУҲАРРИР  
ФАРҲОД ҚУРБОНБОВ

ТАХРИРИЯТ МАНЗИЛИ:  
Тошкент ш., Миробод тумани,  
Толмаржон кўч., 1/1  
E-mail: sbxaxbor@mail.ru

Нашр учун масъул:  
Нодир Алимов

Муаллифлар фикри доим ҳам тахририят нуқтаи-назарига мос келвермайди. Чоп этилган тавсиялар, тўхутиришлар, жумлалар, фактлар, статистик маълумотлар, реклама эълонларининг аниқлигига жавобгарлик материал муаллифи зиммасига юкланади.

Тахририят оғоҳлатирадики, газетамизда мавжуд ахборотдан фойдаланганлик, фойдаланимаганлик ёки мувофиқ равишда фойдаланимаганлик билан боғлиқ ҳар қандай ҳаракатлар ва/ёки оқибатлар учун тахририят жавобгар эмас. Тахририят муштарийлар билан ёзишиб туриш имкониятига эга эмас.

“Норма маслаҳатчи” да эълон қилинган материалларни тўлиқ ёки қисман кўчириб босиш, электрон ва бошқа манбаларда кўпайтириш, тарқатишига фақат “Норма” МЧЖ билан тузилган шартнома асосида йўл қўйилади.

Газета тахририят томонидан таёрланган диагностикалар бўлимида “ТОПРИТ” МЧЖ босмахонасида босилди (Тошкент ш., Миробод тумани, Толмаржон кўч., 1/1).  
Буюртма 186 Адали 5078. Баҳоси келишилган нархда  
Газета 2009 йил 7 августда соат 19.00 да топширилади.  
ISSN 2010-5223